

1 Zaa

Titire mbede ká Zaa daa

Bay ká se tul feri ká do bil mbede ni key

Mbede key na Zaa daa, bay yi le, kér bayri yoklo ni bay tul nzofri ká i daa nzob mbika lawri nduo ki. Nzobkeri ku na baa mii, Vu Ngerewuru yaa sùo zinj nzob ba tusue ya, ze Zezu kara ba Krisi, nzob ká Ngerewuru waa bay pie ni ví yaa nzofri na ya ndaw. Ká bil mbede key na Zaa baa mii, nzob ká daa law-ε bo tul bay na ku le, ka ti máa bay zúo zinj Ngerewuru báy Zezu Krisi ya. Robay, ka ti máa bay kóro zúo ki be báy nzob mbika law hawri ya ndaw. Zezu Krisi na ba Vu Ngerewuru, be ká'a ví yaa sùo zinj nzob. Nzob ká yaa bay key ya le, ka ba nzob tul ngani Krisi. Ngerewuru ba zad taja a ba nzob law ini. Nzob ká ba taa Ngerewuru na do bil zad taja báy law ini. Be ze ba fe ká daa ha nzob zúoke zinj Ngerewuru ndaw, zinj nzob mbika law hawri ndaw pi.

Máa bayri ká do bil-e

Zad taja báy sunj tilo: 1.1-2.27

Vu Ngerewururi: 2.28-3.24

Nzofri ká i di sùo-ri ba nzob yajaja bay saa nzaa Ngerewuru: 4.1-6

Hii ki, báy mbaka tul tuele: 4.7-5.12

Kaw báy kumnun ká do banjuo: 5.13-21

Nasi bay ká se tul Zezu

¹ Buru daa mbede key na ha ri bay baake bay se tul be ka'a do pola doo ndaw roo feri do bay na. Buru laa bay be ka'a baa ndaw, buru ko ni bay nun buru gbak gbak ndaw, nun buru hoy kara hu ka tul-e sji sji, a buru zaa ni bay nduo buru ki ndaw pi. Be na, ka ba Bay ka ha nzoeri kawke bay kumnun, ² a vi yaa suo ziji nzoeri ha buru ko ni, a buru ba nzoeri bay nasike. Sawke mini ze, buru ka-kaa bay be nzoeri ha nzoeri kaw bay kumnun banugo na ha ri. Be na, ka kaw lakun Baa Ngerewuru ndaw, roo a vi yaa suo ziji nzoeri ha buru ko ni. ³ Fe ka buru ko a buru laa bayke na, buru ka-kaake ha ri, bay ha nzoeri baari kara, i daa law mbijw ka ziji buru ka buru zuo ziji Baa bay Vi-e Zezu *Krisi. ⁴ Buru daa mbede se tul fe niri key na ha ri, bay ha nzoeri suoriya ka yaa bil law naari kpol kpol.

Tji saa bil fe daa yaa bay seke zad taja

⁵ I ko, bay ka buru laa ka nzaa Zezu, a buru baa ha ri na ze do key: Ngerewuru ba zad taja, fe pire ndji mini kara zaa suo-e ya. ⁶ Zadka nzoeri baa mii, beri zuo ziji Ngerewuru, roo a daa fe kaaya banugo le, nzoeri ku na ba nzoeri kuf bay, a fe daa be kara do ma bay tusue bay ya. ⁷ Roo le, zadka naa seri simsed ka bil zad taja muni ka Ngerewuru ki suo-e do bil zad taja na le, naa zuori ziji ki ba lie ba lew, a ha sim Zezu Vu Ngerewuru na wa feyaa naari kad kad riw bele.

⁸ Zadka nzoeri baa mii, beri daa feyaa ya le, be ki suo-e ze ula suo-e, a tusue bay kara ti bil law-e

ya. ⁹ A roo ɛ, zadka náa tinari feyaa naari ha Ngerewuru ɛ, ka'a ndáka bumake zinj naari, a waa naari *taŋ kad kad ká tul fe kaaya naari na riw bele, bay ji ɛ, ka ba nzob ká'a do tul bay be, a daa fe ká do báy zadɛ nzedɛm. ¹⁰ Zadka náa baari mii, náa dáari feyaa ya ɛ, náa diri Ngerewuru ba nzob kúɗ bay, a Bay be kara do bil law naari ya.

2

¹ Baari ká ì ba vu-iri, mǐ daa mbede se tul fe niri key na ha ri bay haŋa ri daa feyaa ya. Roo ɛ, zadka nzob ví daa feyaa ɛ, nzob mbijw munu ba nzob yaana bay ká tul nzobri na do pol Baa di ku. Be na, ba Zezu *Krisi, nzob fe daa báy zadɛ nzedɛm na. ² Ba be ká'a mbi sùo-ɛ ba vuy *fe poy, a kóke seke fe, a zinke hud bay tul feyaa naari ha Ngerewuru ndáke buma zinj naari. A ɛ, bay tul feyaa naari kǐ hoy ya, roo ɛ, bay tul feyaa nzobri riw bele ká tusiri key. ³ Zadka náa diri tul *bol kusol Ngerewuru na ɛ, be ndaw roo, kie naari mii, náa tuuri ni ta-taŋ báy. ⁴ Nzob ká baa mii, beri tuu ni tuu, roo a do tul bol kusol-eri na ya ɛ, ka ba nzob kúɗ bay, a tusue bay kara ti bil law-ɛ ya. ⁵ Roo ɛ, nzob ká daa vu mbom bo tul bay be na, kie mii law ini Ngerewuru na ya bil law-ɛ kpol kpol a do báy zadɛ nzedɛm. Be ndaw roo, náa kóri ta-taŋ mii, náa zuori zinj ni báy. ⁶ Nzob ká baa mii, beri zuo zinj ni na, do nun haŋa ni ka mbóro simsed Zezu, a se munu ká be na. ⁷ Vu-iri, baari ká mǐ ko ri ba nzob nun-i na, bol kusol ká mǐ daa do mbede ha ri key

na, ba bol kusol fie ya, roo ɛ, ba tɔw bol kusol ká ì yaa bayke báy nam ká ì mbíke law-rì hɔy na. Tɔw bol kusolke ku na, be ze ba bay ká ì laa dɔd ro ku. ⁸ Ze munu hɔy kara, ba bol kusol fie na kɪ. I kɔ, sɪmsed Zezu na kie naari ba fe fie ba tusue ndaw, a sɪmsed baarì hɔy kara kie faa mbɪw munu ndaw, bay ɟi ɛ, sun tilo na do zékre, a zad taɲa taa tusueke laa ro ze do tán gberere. ⁹ Nzob ká baa mii, beri do bil zad taɲa, roo a fuy yu-ɛ ɛ, ka do bil sun tilo na kɔb robay zu. ¹⁰ A nzob ká kɔ yu-ɛ ba nzob nun-ɛ ɛ, ka kaw bil zad taɲa, a fe ká do bil law-ɛ ba ngud puu bay haɲa ni te a daa feyaa na, tiya. ¹¹ Roo ɛ, nzob ká fuy yu-ɛ ɛ, ka do bil sun tilo, a se bil sun tiloke na, a zad ká'a se ba baɗi na kara, ka kɔ faake ya, bay ɟi ɛ, sun tilo na fɔmra nun-ɛ gbɪbli.

Káw tukelɛ nzob mbika lawri

¹² Baarì ká ì ba vu-iri na, mɪ daa mbede ni key bay báake ha rì mii, feyaa baarì na, Ngerewuru nda bumake zɪɲ rì bay tul fe ká Zezu *Krisi daa na. ¹³ Baarì ká ì ba báari, mɪ daa mbede ni key bay báake ha rì mii, Zezu Krisi, be ká'a do pola dɔd ndaw roo feri do báy na, ì tuu ni ta-taɲ. Baarì ká ì ba kubanri, mɪ daa mbede ni key bay báake ha rì mii, ì haw yum ká tul ngeretemndaya na ro. Baarì ká ì ba vu-iri, mɪ daa mbede ni key bay báake ha rì na robay mii, ì tuu Baa naari na ta-taɲ ro. ¹⁴ Baarì ká ì ba báari na, mɪ daa mbede ni key bay báake ha rì mii, be ká'a do pola dɔd ndaw roo feri do báy na, ì tuu ni ta-taɲ ro. Baarì ká ì ba kubanri na, mɪ daa mbede ni key bay báake ha rì mii, ì do báy hɔrusuo ndaw,

Bay Ngerewuru kara dfaa puo ka bil law-rĩ ndaw, a i haw yum ka tul ngeretemndaya na ndaw pi.

¹⁵ I ha kon feri ka tuele key bay feri riw bele ka do di na, ka kuo ri ya. Zadka nzoɔ dfaa kon fe ka tuele key na le, faa ka bay haɲa ni hiike Baa Ngerewuru na tiya. ¹⁶ I ko, feri riw bele ka do tuele key na, ba fe ka uru saa luo Baa ya, roo le, ba feri ka do tuele key hoy. Fekeri na ze do key: dfaa kon fe naysuo ndaw, koko nun fe ndaw, roo siika suo ka tul feri ka tusiri key na ndaw pi. ¹⁷ A le, tuele, bay feri riw bele ka do bil-e na do kal. Roo le, nzoɔ ka dfaa law hiiya Ngerewuru na kaw bay kumnun ka do banɲo kpadara. ¹⁸ Vu-iri, timbede key na, oro bie nam ka tusiri key na ton di mbaa. Bay ka se tul nzoɔ tul ngani Krisi ka'a tji na, i laa bayke ro. Roo le, timbede key na, nzoɔ tul ngani Krisiri na i ruo bamba i tji ro. Be ze kie mii, oro bie nam ka tusiri key na, ton di mbaa. ¹⁹ Nzoɔkeri ku na, i do sakra naari key roo i zol, bay ji le, i ba nzoɔ naari ya. Zadka i ba nzoɔ taa naari na le, i kaw ziɲ naari key. Roo le, i tji ka sakra naari key i zol, bay haɲa bo bayke do ta-taɲ mii, bari riw bele na, i ba nzoɔ taa naari ya. ²⁰ A baari na laa le, bay faa Nzoɔ ka Taɲ Kadaɲ na ze, i ziɲke Tem Law Pie*. Be mini ze, baari riw bele na, i tuuke tusue bay na ta-taɲ. ²¹ Ze, mbede ka mi dfaa ha ri key na kie a baa mii, i tuu tusue bay

* **2:20** 2.20 Nzoɔ nday bay haneri i ker i baa mii, fe sami ka i ziɲ bay faa Nzoɔ Taɲ Kadaɲ na, ba Tem Law Pie. A nzoɔ nday bay haneri laa le, i ker i baa mii, fe sami na ba Bay Ngerewuru.

na ya, munu ya. Roo le, baarì na, ì tuu tusue bay na ta-tañ, a í kò ndaw, kúf bay mbjw mini kara ti doko bil tusue bay na ya ndaw pi. ²² A waa, nzob ve ze ba nzob kúf bay na le? Ba be ká'a baa mii, Zezu na ba Krisi, nzob ká Ngerewuru waa bay píe ni ví yaa nzobri na ya. Nzob ká tun Baa Ngerewuru báy Vi-e na ngeren le, ba be na kị ze ka ba nzob tul ngani Krisi. ²³ A nzob ká may a baa mii, Zezu ba Vu Ngerewuru ya le, ka may bay ká se tul Baa na ndaw pi zu. A nzob ká nzi-ε tji a baa mii, Zezu ba Vu Ngerewuru na laa le, ka zuo zinj Baa na ndaw. ²⁴ Sawke mini ze, baarì na, bay ká ì laa báy nam ká ì mbike law-rì na, ì ha ni daa puo ká bil law-rì. Zafka bayke ku na daa puo ká bil law-rì le, ì zuo zinj Vu Ngerewuru na ndaw, a í zuo zinj Baa na ndaw. ²⁵ I kò, fe ká Krisi waa bay haña naari na ze do key: ba kumnun ká do banquo kpadara. ²⁶ Mi daa mbede fe niri key na, bay baake bay ha rì se tul nzobri ká i nzaa faa bay ulari ha rì wuru. ²⁷ A baarì laa le, Tem Law Pie ká Krisi ha rì na daa puo do bil law-rì banquo. Munu ká Tem be daa puo do bil law naari na, ì se síe haña nzob kị bod ka ví fereri fe mbaa ro. Tusueke le, Tem be na fereri fe riw bele banquo, a fe ká'a fereri na ba tusue kị bo, úoke tiya. Be ze, bay ká'a fereri na, ì ha ni daa puo ka do bil law-rì, a í zúoke zinj Krisi na banquo. ²⁸ Munu zu le, vu-iri, mĩ baa ta-tañ ha rì: ì zúo zinj Krisi, bay haña bo nam ká'a yji a vi na le, law naari ka to ya ndaw, a sahoý kara ka se naari ha náa dori di di zinj ni ya ndaw pi. ²⁹ Baarì na ì kò mii, Ngerewuru ba nzob ká do

ɓáy zadɛ nzedɛm. Munu zu ɛ, ndad ɓay kóko mii, nzoɓ haɗa haɗa ká ɗaa fe ɓáy zadɛ nzedɛm na, ka ɓa vu Ngerɛwuru.

3

Nzoɓ mbika lawri na, i ɓa vu Ngerɛwuru

¹ Bawda law ini ká Ngerɛwuru mgba zinj naari na waa, ì ko ya ɛ? ɓáy faa bawda law ini be key na ze, ka ɗike naari ɓa vi-eri. Ká'a ɗika naari ɓa vi-eri hoy ya, tusuke ɛ, naari na, náa ɓári vi-eri! Nzoɓ tukɛleri key na, i tuu naari ɓa vi-eri ya, ɓay ji ɛ, ɓari na, i tuu ni ya. ² Vu-iri, ɓaari ká mǐ ko rǐ ɓa nzoɓ nun-i na, timbɛɗɛ key na, náa ɓári vu Ngerɛwuru kǐ ro. Waa, namke ɛ, náa ɗokori mina ɛ? Be ze ɓa fe ká ɗo *taɗ kad kad ya roɓay. A ɛ, náa kóri ta-taɗ mii, nam ká *Krisi a yi a ví na, náa riiri ni, ɓay ji ɛ, náa kóko ni ta-taɗ. ³ A nzoɓri riw bele ká i ɗaa law-ri nzokɗo te tul Krisi ɓay ɗoko munu ká be na, i haɗ law-ri ka taɗ kad kad munu ká Krisi kara taɗ kad kad na. ⁴ Nzoɓ ká ɗaa feyaa ɓanguo na, ka mba nzaa Ngerɛwuru, ɓay ji ɛ, feyaa na ɓa mbaka nzaa. ⁵ Baari na ì ko ndaw mii, Zezu Krisi na vi tusiri key ɓay náa feyaa nzoɓri. Be na, ka ɗaa feyaa ndji mini kara ya. ⁶ Be mini ze, nzoɓ ká zuo zinj ni na, ka ɗaa feyaa ɓanguo ya. A nzoɓ ká ɗaa feyaa ɓanguo laa ɛ, kie mii, ka ko Zezu Krisi ya ndaw, a tuu ni ya ndaw pi. ⁷ Vu-iri, ì haɗ nzoɓ mbiw mini kara ka úlari ya! Nzoɓ ká ɗaa fe ɗo ɓáy zadɛ nzedɛm na, ka ɗo nzedɛm na kǐ laa, munu ká Zezu Krisi kǐ sùo-ɛ kara ɗo nzedɛm ndaw na. ⁸ Nzoɓ ká ɗaa feyaa

banɔɔ na, ka ba vu ngeretemndaya, bay ʒi le, ba dʒe báy tiikake lew hoy na, ngeretemndaya ze ba nzoɔ dʒa feyaa banɔɔ. I ko, bay bie ped ngeretemndaya na ze, Vu Ngerewuru na vike. ⁹ Nzoɔ ká mbona fie mbon ni ba vu Ngerewuru na, ka ti mbika sùo-ε ba nzoɔ dʒa feyaa na mbáa, bay ʒi le, mʒiri fe kere Ngerewuru na do bil law-ε. Munu ká Ngerewuru ba Bi-ε na, ka ti máa dʒa feyaa na banɔɔ ya. ¹⁰ Be mini ze, báy faa ká do key na, i wálke sakra vu Ngerewururi báy vu ngeretemndayari ta-taɲ: nzoɔ ká dʒa fe do báy zadε nzedεm banɔɔ ya na, ka ba nzoɔ taa Ngerewuru ya, a be ká'a hii yu-ε ya hoy kara, ka ba taa Ngerewuru ya ndaw pi. ¹¹ I ko, káa bay ká ʒi laa ba dʒe báy nam ká ʒi mbike law-rì na ze do key: ʒi hii kʒi ba lie ba lew. ¹² Náa dʒari munu ká *Kayi ya. Be na, ka ba nzoɔ taa ngeretemndaya ká'a i yu-ε kʒi sùo-ε. A waa, bay ʒi kʒi ze, ka ike yu-ε na le? Bay ʒi le, ped dʒa beri na ndaya, a ped dʒa yu-ε na laa le, do báy zadε nzedεm. ¹³ Yu-iri, Zadka nzoɔri ká tukεle key fuy rì le, ʒi ha ni ka túku rì ya. ¹⁴ Timbedε key na, náa kóri ndaw, huɔ ti réke mbay ká tul naari mbáa, a náa káwri báy kumnun ká do banɔɔ. Náa kóri munu bay ʒi le, náa hiiri yu naari. Nzoɔ ká hii yu-ε ya le, huɔ re mbay ká tul-e koɔ roɔbay. ¹⁵ A nzoɔ ká fuy yu-ε na, ka ba do mbirim nzoɔ. I ko ta-taɲ ndaw, do mbirim nzoɔ na, do báy kumnun ká do banɔɔ na ya. ¹⁶ Hii kʒi na waa, ba ʒi kʒi le? Zezu Kri si na kie naari faake a mbi sùo-ε ha huɔ bay tul naari. Be mini ze, naari hoy kara, náa mbikari sùo naari ha huɔ bay tul yu naari ndaw.

17 Zadzka nzoɓ ɗo báy feri, roo a ko nun síe yu-ε ká se síe fe na ya waa, law ini Ngerewuru ɗo bil law nzoɓke kɔ zu le woo? 18 Vu-iri, ndad bay haɗa law ini naari ka ɗo báy faa bay ká tɔi ká nzaa naari rɛm rɛm hoy ya, roo le, báy faa ped ká náa ɗáari na ndaw roo, a kɛke tusue law ini Ngerewuru ká ɗo bil law naari na báy. 19-20 Be mini ze, náa kókokeri mii, náa bári nzoɓ báa sùo bay. Ze bil law naari ɗaa bay bo tul naari hoy kara, ká pol Ngerewuru na, law naari a ndáka siri fuo báy, bay ɔi le, Ngerewuru ba bawda nzoɓ ká kal tul bil law naari, a ko feri riw bele. 21 A baarɔ vu-iri ká mɔ ko ri ba nzoɓ nun-i na, zadka bil law naari ɗaa bay bo tul naari ya le, náa ɗokori pol Ngerewuru báy law tókoke ya, 22 a feri riw bele ká náa vbiri ni na, náa zɔɗri feke, bay ɔi le, náa hɛeri bol kusol-eri, a náa ɗáari fe ká rii law-ε. 23 I ko, bol kusol-e ká'a ha naari na ze ɗo key: náa ɗáari law naari ka bo tul Vi-e Zezu Kresi, a náa hɛikeri kɔ ba lie ba lew munu ká'a ɗaa na. 24 Nzoɓ ká ɗaa vu mbom bo tul *bol kusol Ngerewuru na, ka zuo zɔɗ ni, a Ngerewuru hoy kara zuo zɔɗ nzoɓke na ndaw. A waa, faa ɔi ze náa kókori mii, Ngerewuru na zuo zɔɗ naari le? Báy faa Tem Law Pie ká'a ha naari na ze, náa kókokeri.

4

Faa kéle sakra temri

1 Vu-iri, baarɔ ká mɔ ko ri ba nzoɓ nun-i na, ɔi yaa bay nzoɓri ká i ɗi sùo-ri ba nzoɓ ɗoko báy Tem Ngerewuru na munu hoy ya. Roo le,

ì békle ri ta-tan í kò, waa, nzobkeri ku na i dɔ
 báy Tem taa Ngerewuru ba tusue kị zu le? Ì daa
 munu, bay ịi le, nzobri ká i dī sùo-ri ba *nzob
 yaaña bayri saa nzaa Ngerewuru na, i yaa zad
 kpol kpol ká tusiri key. ² Ì kò, faa ká ì kókòke
 nzob ká dɔ báy Tem Ngerewuru na ze dɔ key:
 nzob ká baa mii, Zezu *Krisi na ví yaa sùo zinj
 nzob ba tusue le, nzobke ku na, dɔ báy Tem taa
 Ngerewuru. ³ A nzob ká kò Zezu na munu ya
 le, ka dɔ báy tem ká uru saa luo Ngerewuru ya.
 Nzobke ku na dɔ báy tem taa nzob tul ngani
 Krisi zu. Baari na, ì laa bay ká se tul nzob tul
 ngani Krisi ká'a vika na ro, a le, timbede key
 na, ka dɔ tusiri key dɔd ro. ⁴ A roo le, baari ká
 ì ba vu-iri na, ì ba taa Ngerewuru, a í mba tul
 nzobri ká i dī sùo-ri ba nzob yaaña bay saa nzaa
 Ngerewururi, bay ịi le, Tem Ngerewuru ká ì dɔke
 na, hurusuo-ε kal tul-e taa ngeretemndaya ká dɔ
 bil law nzob tukeleri key. ⁵ Bari nzobri ká i dī
 sùo-ri ba nzob yaaña bayri saa nzaa Ngerewuru
 na, i ba nzob taa tukeleri key. Sawke mini ze,
 bay baa bari dɔ munu ba taa nzob tukeleri ha
 nzob tukeleri na i te suku-ri í láake bay bari na.
⁶ A naari le, náa bári taa Ngerewuru. Nzob ká
 tuu Ngerewuru na, ka laa bay naari. A nzob ká
 ba taa Ngerewuru ya laa le, ka ti láa bay naari
 ya. Be mini ze, náa kókòkeri nzob ká dɔ báy Tem
 Ngerewuru ká baa suo bay, báy nzob ká dɔ báy
 tem taa úla nzob na.

Náa hiiri kị

⁷ Baari vu-iri ká mǐ kò rǐ ba nzob nun-i na, náa
 hiiri kị ba lie ba lew, bay ịi le, law ini na uru saa

luo Ngerewuru. Nzoɔ ká ɔ́aa law ini zɪ̄n nzoɔbri ɛ, ka ɓa vu Ngerewuru, a tuu Ngerewuru na ta-taɲ. ⁸ A nzoɔ ká ɔ́aa law ini zɪ̄n nzoɔbri ya ɛ, ka tuu Ngerewuru ndji mini kara ya mgbaj, ɓay ji ɛ, Ngerewuru ɓa nzoɔ law ini. ⁹ I kɔ, fe ká Ngerewuru ɔ́aa a k̄ɛke naari bawda law ini be na ze ɔ́o key: ka pie Vi-e ká ɓa leɔ mbjw keklek na ha ni vi tusiri key ɓay haɲa ɓo, ɓáy faa be na, náa káwkeri ɓáy kumnun. ¹⁰ Law inike na, ɓa naari ze náa hiiri Ngerewuru pola na munu ya. Roo ɛ, ɓa be k̄ɪ ze ka hii naari, a pie Vi-e ha ni ví mbi sùo-ε ɓa vuy *fe poy ká tul puu say huɔ, a púoke mbɔl feyɔa naari. ¹¹ Be ze, ɓaari vu-iri ká m̄i kɔ r̄i ɓa nzoɔ nun-i na, munu ká Ngerewuru hii naari ɓamba tasiri na, naari k̄ɪ hɔy kara, ɔ́o nun haɲa náa hiiri k̄ɪ ɓa lie ɓa lew ndaw. ¹² Ngerewuru na, nzoɔ mbjw mini kara kɔ ni ɓáy nun-ε ya rɔɓay; ze munu hɔy kara, zadka náa hiiri k̄ɪ ɓa lie ɓa lew ɛ, Ngerewuru zuɔ zɪ̄n naari ndaw, a law ini be hɔy kara yaa ɓil law naari kpol kpol a ɔ́o ɓáy zadε nzedem. ¹³ Fe ká kie mii, náa zuɔri zɪ̄n Ngerewuru, a be hɔy kara ka zuɔ zɪ̄n naari ndaw na, be ze ɓa Tem be ká'a ha naari na. ¹⁴ Buru kɔ ndaw mii, Baa Ngerewuru pie Vi-e ha ni ví yaa nzoɔbri ká tusiri key. Ba fe ká ɓuru kɔ ɓáy nun ɓuru, a ɓúru ɓa nzoɔ ɓay nasike. ¹⁵ Nzoɔ ká ɓaa mii, Zezu ɓa Vu Ngerewuru ɛ, Ngerewuru zuɔ zɪ̄n ni, a be hɔy kara ka zuɔ zɪ̄n Ngerewuru ndaw. ¹⁶ Be mini ze, naari na náa kóri law ini ká Ngerewuru mgbaj zɪ̄n naari ká náa ɔ́ari law naari ɓo ɔ́i na. Ngerewuru ɓa nzoɔ law ini. Nzoɔ ká ɓa nzoɔ mgbaka ini ɛ, ka

zuo zinj Ngerewuru, a Ngerewuru kara zuo zinj nzobke na ndaw. ¹⁷ Zadka law ini Ngerewuru yaa bil law naari kpol kpol a do bay zadε nzedem le, nam kún sal bay na, náa dɔkori pol-e bay law toko ya, bay ʒi le, káw naari ká tusiri key na do munu ká taa Zezu *Krisi. ¹⁸ Nzob ká Ngerewuru hii ni na, h̄ε ti mgbaka ni ya. Zadka law ini Ngerewuru yaa bil law nzob kpol kpol a do bay zadε nzedem le, h̄ε ti zinj faa rii bil law-ε mbãa. I ko, nzob ká daa h̄ε na, ker a baa mi, bay a mgbaka tul beri. Be ze, nzob ká h̄ε mgba ni na, law ini Ngerewuru yaa bil law-ε kpol kpol a do bay zadε nzedem ká d̄i ya. ¹⁹ A naari le, náa bári nzob law iniri, bay ʒi le, Ngerewuru hii naari pola dεkre. ²⁰ Zadka nzob baa mii, beri hii Ngerewuru, roo a fuy yu-ε le, ka ba nzob kúdf bay. Tusueke le, nzob ká hii yu-ε ká'a ko ni bay nun-ε na ya waa, a dáa mina ndaw roo, a hii Ngerewuru ká'a ko ni ya le? ²¹ I ko, *bol kusol ká Krisi k̄i sùo-ε h̄a naari na ze do key: nzob ká hii Ngerewuru na, ndad bay hanja ni ka hii yu-ε ndaw.

5

Mbaka tul tukεle

¹ Nzob h̄aa h̄aa ká daa law-ε bo tul Zezu, a ko ni ba *Krisi, nzob ká Ngerewuru waa bay pié ni ví yaa nzobri le, ka ba vu Ngerewuru. A nzob ká hii baa led le, ka hii vi-eri na ndaw. ² I ko, faa ká náa kókeri mii, náa hiiri vu Ngerewururi na ze do key: náa hiiri Ngerewuru, a náa dáari vu mbom bo tul bol kusol-eri. ³ Tusueke le, hii Ngerewuru

na, ba d'aa vu mbom bo tul bol kusol-eri. A bol kusolkeri ku na ba sofa ka hii bamba ya, ⁴ bay ji le, nzobri riw bele ka i ba vu Ngerewuru na, i maa bay mbaka tul feri ka tuele key. Naa mbari tuele na bay faa d'aa law bo tul Zezu. ⁵ A waa, nzob ve ze maa mbaka tul tuele na le? Ba be huo-ε hoy ka ko Zezu ba Vu Ngerewuru.

Nasi bay ka se tul Zezu

⁶ Zezu *Krisi na, ba be ka'a vi tusiri key, a ha ri daa tul-e nduo mbii, a sim be uo yaw yaw ka tul puu say huf. Ba mbii ku ki hoy ze, kie bay nasike ya, roo le, ba mbii bay sim sid'i bele*. A Tem Ngerewuru ki suo-ε kara baa nasi bayke ndaw mii, fekeri ku na do ba tusue ki, bay ji le, Tem Ngerewuru na ba tusue bay. ⁷ Be mini ze, fe nasi baykeri na ba say, ⁸ Tem Ngerewuru ndaw, mbii ndaw, roo sim ndaw pi. Fekeri riw bele ku na zuo zinj ki mbijw hoy. ⁹ Naari na, zadka nzobri baa nasi bay fe le, naa yaari bayke, roo le, nasi bay Ngerewuru na mba tul-e be nu ku bay. Ba be na ki ze ka ba nzob nasi bay ka se tul Vi-e na. ¹⁰ Nzob ka daa law-ε bo tul Vu Ngerewuru le, nasi bayke key na do bil law-ε. A nzob ka daa law-ε bo tul bay ka Ngerewuru baa na ya le, ka di Ngerewuru ba nzob kud bay, bay ji le, ka yaa bay ka'a baa se tul Vi-e na ya. ¹¹ I ko, nasi bay ka Ngerewuru baa ha naari na ze do key: Ngerewuru ha naari kumnun ka do banquo. Kaw bay kumnunke ku

* **5:6** 5.6 Ka zad ni key na «mbii» kie daa tul Zezu nduo mbii, a sim laa le, kie huf Zezu ka tul puu say huf.

na, do báy faa Vi-e. ¹² Nzob ká zuo zinj Vi-e na, ka do báy kumnunke na; a nzob ká zuo zinj ni ya le, kumnunke na ba taa be ya.

Sin tul bay

¹³ Baari ká ì daa law-rì bo tul Vu Ngerewuru na, mi daa mbede se tul fe niri key ha rì bay haɲa rì kóke ta-taɲ mii: ì do báy kumnun ká do baɲguo na. ¹⁴ Ká pol Ngerewuru na, náa ti dokori di báy law tókoke ya, bay ji le, náa kóri ta-taɲ ba tusue ki: zadka náa vbiri ni fe báy faa law hiiya be le, ka laa naari. ¹⁵ Munu ká náa kóri ta-taɲ ndaw mii, Ngerewuru laa bay ferri riw bele ká náa vbiri ni na, náa kóri ndaw, ferri ká náa vbiri ni na, náa zinjri ro.

¹⁶ Zadka nzob ko yu-ε daa feyaa ká se zinj ni ba zad hud ká do baɲguo ya le, ndad bay daa nzaa bay kere bay tul-e, le, Ngerewuru a haɲa ni káw báy kumnun. Mi baa bay key na se tul nzobri ká i gede tul feyaa ká ha ri se ba zad hud na ya. Tusueke le, feyaa ká ha nzob se ba zad hud na do di ku, roo le, mi baka rì bay haɲa rì daa nzaa bay kere bay tul nzob ká daa munu ku na ya. ¹⁷ Fe daa kaayari riw bele na ba feyaa. Roo le, feyari riw bele na ha nzob se ba zad hud ya.

¹⁸ Náa kóri ndaw, nzob ká ba vu Ngerewuru na ti gede tul feyaa ya, bay ji le, Zezu, Vu Ngerewuru ze koro ni, a ngeretemndaya na ti mgbaka ni veb, a daa fe seke zinj ni ya. ¹⁹ Náa kóri ndaw, naari na, náa bári taa Ngerewuru, a nzob tukeleri riw bele na, ngeretemndaya ze re mbay ká tul-ri. ²⁰ Náa kóri ndaw, Zezu Vu Ngerewuru na vi tusiri

key, a ha naari nun nzem bay haɲa náa tuuri Ngerewuru taa tusueke. Naari na, náa zuori ziɲ Ngerewuru taa tusue báy faa Vi-e Zezu *Krisi. Be na, ka ba Ngerewuru taa tusue, a ba káw báy kumnun ká do banɲo na.

²¹ Be mini ze, yu-iri, ì nze báy sùo-rĩ! Ndad bay haɲa rĩ puo wuru taa gɔb gɔbkeri ya.

Mbede sáka kuni fie
New Testament in Kuo

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 22 Feb 2024 from source
files dated 29 Jan 2022

1bae8b8b-6141-55e9-b352-adf7a01da5f4